

apud deum vestris orationibus obtineatur. Valet. et ad contigua vobis monasteria has literulas dirigite.

.H. gratia dei archiepiscopus. domno. Ekb. venerabili et magno abbati. cum orationibus et servitio perpetuam in deo salutem. Memorari vestram bonitatem oportet qualiter in Goslare nobis respondistis iu causa Theophanu sororis meae. scilicet cum ipsa quereretur imminuta(m) sibi ex vestra parte fuisse conventionem qua cum antecessore vestro convenerat de praedio suo et precaria quam ipse sibi constituerat. Rogabat enim soror mea aut precariam sibi secundum conventionem impleri. aut praedium suum sibi reddi. quod nisi fallor omnium gentium iure fieri oportet. Nunc igitur eandem agit querimoniam. Quapropter vestram dilectionem peto quatenus fines (l. finem) huic rei faciatis. ita quidem si praedium vobis placeat et conventio. conventionem impleatis. sin autem. liceat illi praedium suum recipere. Et de hac precor causa diem ei constituatis ubi ipsa venire possit vel ipsi vobis vel¹⁾ vestris obvia quatenus finis fiat aliquis. Videbo quoque quanti me fecerit vestra fides et bonitas. si me petente causa(m) finire vobis placuerit. De qua re etiam litteras et nuntium vestrum expecto. VI.

Pie venerationis fratri .D. moribus et doctrina subditos instruenti pie .F. absque ambiguo fidelis ipsius. absque termino valere. Frater amabilis rogo. Tulliana Tusculana rogo nostris exscribenda confer armariis. Nos item vobis benigne prestabimus. siqua desideranda vobis habemus. vel habituri erimus. VI.

1) vel ist am Ende der Zeile in der Hds. ausgefallen.
